



Broj: 11-05/02-39-47447-1/23
Sarajevo, 03.11.2023. godine

SKUPŠTINA KANTONA SARAJEVO
-ovdje-

PREDMET: Odgovor na zastupničku inicijativu – Marijela Hašimbegović
Veza: vaš akt broj 01-04-39-15/23 od 20.09.2023. godine

Zastupnica Marijela Hašimbegović je Ministarstvu za odgoj i obrazovanje Kantona Sarajevo, dana 20.09.2023. godine, u skladu sa članom 106. Poslovnika Skupštine Kantona Sarajevo („Službene novine Kantona Sarajevo“, br. 41/12-Drugi novi prečišćeni tekst, 15/13, 47/13, 47/15, 48/16, 09/20, 14/20, 16/22 i 17/22-Ispravka), uputila sljedeću obrazloženu zastupničku inicijativu, citiramo:

“Upućujem hitnu Inicijativu da se utvrdi pitanje da li je kurikularna reforma usklađena sa Pravilnikom o izmjenama i dopunama pravilnika o vođenju pedagoške dokumentacije i evidencije u osnovnoj školi.

Obrazloženje:

Zakonska regulativa mora pratiti provedbu bilo koje reforme što u konačnici znači redefinisane svih pravnih propisa koji regulišu oblast osnovnog i srednjeg odgoja i obrazovanja. Donošenje uputstava i instrukcija mora biti temeljeno na pravnim propisima. Iz tog razloga upućujem inicijativu da se razmotri ovo pitanje, jer upisivanje sadržaja nastavnog rada na času u E - dnevniku jeste definisano različito od Uputstva koje poslano na škole i različito od instrukcija datih od strane koordinatora. Razumljivo da se ovim stvara zabuna i logično je da će prosvjetni radnici raditi po pravnim propisima a to su zakon, pravilnici i Nastavni plan i program. Usmene instrukcije u javnom sektoru upućene od Instituta i Ministarstva ne bi smjele postojati i svakako ne bi smjele biti u koleziji jedni sa drugima.”

ODGOVOR:

U vezi s navedenom inicijativom, ovim putem Vas obavještavamo da je Ministarstvo za odgoj i obrazovanje Kantona Sarajevo zatražilo stručno mišljenje i očitovanje od Instituta za razvoj preduniverzitetskog obrazovanja Kantona Sarajevo, na temelju kojeg smo pripremili ovaj odgovor.

Pravilnik o izmjenama i dopunama Pravilnika o vođenju pedagoške dokumentacije u osnovnoj školi ("Službene novine Kantona Sarajevo", broj: 34/23) je i nastao na osnovu primjene nastavnih planova i programa s definisanim ishodima učenja.

Instrukcije za upisivanje sadržaja rada u ednevnik za prvu trijadu osnovnog obrazovanja su upućene školama od nadležnog ministarstva. U ostalim nivoima obrazovanja nije bilo izmjena eDnevnika po pitanju upisivanja sadržaja rada.

S poštovanjem.



Dostavljeno:

1. Naslovu
2. a/a